


اثنين البسطة 2019

الرياء vs. الثمر

تأمل من إنجيل البسطة (شجرة التين) عن الاختيار بين الرياء و الثمر الحقيقي، و إزاي تأتي بثمر حقيقي



حتمية الاختيار

- كم مرة أردت أن أجمع بنيكي ... فلم تريدوا ... ساعات إرادتنا بتبقى عكس إرادة ربنا
- ربنا أعطانا الحرية من البداية (الوصية لآدم و حواء) ... نفس الحرية بانث عند الصليب: المسيح أم باراباس

الاختيار مسئولية اجبارية

كل واحد عنده اختيار ... اختيار حياة ... و هيتحاسب عليه ... الحرية اختيار و مسئولية

- فيه ناس بتختار صح (موسى - يشوع - راعوث - مريم أخت لعازر) ... لكن فيه ناس كتير بتختار غلط
- ساعات نحب نمسك العصاية من النص (نبقى في الكنيسة غير البيت غير الشغل غير الشارع ...) لكن طبعا ده مش صح
- إحنا بنقول أقدم لك يا رب مشورات حرّيتي ... لتكن مشيئتك ... هل بنعمل كده؟
- طريق المسيح = الطريق الضيق اللي فيه الصليب ... لكن آخره فرح

المظهر لا يكفي

إيه مقاييسنا للاختيار؟ هل كفاية نيجي الكنيسة و نكون ذوق و لطفاء؟ شكل بس ولا فيه مضمون؟ صليب ذهب بفصوص جميلة؟ ولا صليب تقيل يتشال على الكتف؟ الحقيقة من مثل العذارى بنشوف إن الشكل مش كفاية

- الطريقة الصح للاختيار: ماذا سيفعل السيد المسيح لو كان مكاني؟ و أعمل كده ... عايزين ثمر عشان مانبقاش زي شجرة التين
- الكنايس اللي بتتضرب و الشهداء اللي بيموتوا ... عادة بيكونوا غلابى بمقاييس الدنيا ... اختار الله الفقراء و المزدري لأنهم أغنياء في الإيمان و ماسكين في ربنا

🍏 الرياء أم الثمر

ربنا لم يلعن على الأرض إلا شجرة التين ... و الويلات للكتبة و الفريسيين ... عشان نفس السبب (الرياء) ... ورق حلو و منظر حلو بدون ثمر

إيه هو الثمر؟

1. ثمر الروح: محبة - فرح - سلام - طول أناة - لطف - صلاح - إيمان - وداعة - تعفف
2. المحبة بتاعة كورنثوس الأولى 13

الثمر ليه 3 فوايد

1. الناس هاتحب سكة الملكوت لما تشوف الإنسان المثمر
2. الثمر مقياس التوبة (اصنعوا أثماراً تليق بالتوبة)
3. نمجد به ربنا

مكان من 2

العصن مالوش غير مكانين: ثابت على الشجرة ... أو ملقى في النار

كيف نأتي بثمر؟

- نكون **مغروسين في بيت الرب** (عايش الكنيسة صح مش منظر بس)
- نكون **مغروسين على مجاري المياه** : نتملي من الكتاب المقدس ... كلمة ربنا اللي بتنقينا و تنصّنا
- نكون **مزروعين في الأرض الجيدة** : لازم الكلام اللي بنسمعه أو بنقراه مايطيرش مننا, بل نثمر فعلاً ... الهدف مش إننا نسمع و ننسب (شعر أشواق جميل الصوت) ... لازم نعمل
- **يموت فينا الإنسان العتيق** : لازم الإنسان العتيق يتصلب و يموت ... مانبقاش عايشين زي بقية الدنيا تحرّكنا زي ما هي عايزة
- **نحمل التهذيب و التشذيب** (التجارب للتنقية ... لازم نحتملها)
- **نثبت في الكرم** : امسك في المسيح بإيديك و سنانك
- **الصبر** (يثمرون بالصبر) ... صلي و اصبر و انتظر الرب

احنا عندنا اختيار لحياتنا و عليه هاتتحدد حياتنا كلها ... لازم نختر المسيح لنحيا ... و الاختيار ده يؤكد الثمر اللي هي دليل الحياة ... تتحد إرادتي مع إرادة ربنا فيأتي الثمر

نرحب جداً بكل الوعظاء سواء اللي متسجلة لخدام في الكنيسة أو أي وعظة انت سمعتها و حابب تشاركها مع إخوانك ... لو سمعت وعظة حلوة تفيد الشمامسة من أي مرحلة عمرية ابعت لنا ✉
